

Schwein/kälber vnd Lämmerjagt/ vnd für eyer/korn/butter/käse/specck/Rose-  
noblent vnd Thaler sammeln / welches man besser in acht nehmen muß/well es  
mehr in die Küche träget. Wie leichtfertig practicirt sich mancher in hohe vnd  
niedrige kirchen vnd schülämpter ein / vnd viel Collatores Beneficiorum,  
Decani, Pröbste / Superintendenten mit ihren Collegis; supra modum  
intendant in quæstus & lucra, treiben leichtfertiger weise Simoniam vnd  
Jahrmärkte/verkauffen vmb gelt/gunst/freundschaft/eigennüz/die geistli-  
chen Beneficia & officia, vnd setzen darein vnwürdige/ vnzüchtige gesellen/  
die in ihrer jugend auff Academien vnd Schulen allerhand leichtfertigkeit  
getrieben: darvon sie auch in ihrem alter schwerlich lassen können? Ist es nit  
leichtfertig für Gott/das man grossen ansehnlichen gemeinden auffdränget  
vnd dabey duldet solche Nestwärcken / die fast nimmer nüchtern auff die  
Sangel kommen / sondern mehrentheils voll Brantwein vnd Bier etwas  
daher lallen/das weder gehawen noch gestochen ist / welches ihnen auch wol  
närzliche vnfinnige Weiber offentlich in der kirchen vorzuwerffen wissen/Im-  
beysein vnd nicht ohn grosse ärgernuß der ganzen Gemeine? Wie leichtfer-  
tig werden an allen Orten die Examina vnd Ordinationes Ministrorum in  
acht genommen / da man nichts höhers Exploriret, als ob man auf gute  
Academisch de rebus Theologicis pro & contra disputiren könne? Ob  
man den sichern herten ihre gewissen zu rühren vnd zur buß zu bringen? oder  
betrübte traurige herten zu trösten vnd die verwirrte gewissen wider zu recht  
zu bringen tüchtig sey oder nicht? Ob man selber vnsträfflich/nüch-  
tern/mässig/sittig/gastfrey/lehrhaftig/nicht ein weinsäuf-  
fer/noch pocher/noch vnehrlische handthierung treibend/son-  
dern gelinde/nit haderhaftig/noch geizig/noch ein newling/  
vnd von allen ein gut zeugnuß habe/nicht zweyzungig / son-  
dern erbahr sey/vnd das geheimnuß des Glaubens in gutem  
reinem Gewissen habe: wie S. Paulus 1. Tim. 3. wil/dz man sol-  
che zuvor versuchen/vnd darnach dienen lasse / wenn sie vn-  
sträfflich seyn item/ob man selber in allen dingen sich bewei-  
sen könne/als ein diener Gottes/in grosser gedult/in trüb salē/  
in nöthen/in ängsten/in schlägen/in gefängnissen / in auff-  
ruhr/in arbeit/in wachen/in fasten/in keuschheit/in erkän-  
nuß/in langmuth/in freundlichkeit/in dem H. Geist / in vn-  
gefärbter liebe/in dem wort der warheit/in der kraft Gottes  
durch waffen der gerechtigkeit/zur rechten vnd zur lincken/  
durch ehre vnd schande, durch böse vnd gute gerüchte/ &c. wie  
man

G

man